

SIKUANI


La Constitución de 1991 y la Corte Constitucional



¿Depajume raja constitucion?


Constitucion raja pajume bitso wekua namatamotaruka, daxita wiria Ley wekua, barapajume baxutoa xaneawaitsia kuenia itaropitaruka daxita nexatsi, jumatejemaya kuenia waja jinawanapae nexa waja irata.

Constitución 1991 baxuto yabara kueikueijai, daxita wiria kuene jumewi, yapütane piaja liwaisi kaebitsaüto kanakujitsia jiwikuenia piaja wiria, piaja liwaisi jawalia ata. Nexeta bajara paliwaisi ruka pejana kuenia, namatajupaya daxita wiria nexatsi yeitaya kuenia waja yabara jiwu kuene.





Waja kolombia ira nakuata xanewaitsia petaenexa waja naxua jinawanapaewi apo kae wiria bitsaütonutsi, bajara xuata waja liwaisi, waja kuene ata aponakato najüpaе nejata xuata waxaitsikuene jawalia waja nató yaeyataenexa,waja kuene jawalia nexata yabara jiwikuenetsi janewaetsia ,waja nato kanaüjütsi nexa kopiaya, nejata waxaeitsi waja nakobena wajütsi nexa nakobená kobiernonüta.waja natoyapüna ewetsinexa waja liwasianü dajita wiria bitsaüto nejatsi, najüpaya kuenia waja kanakuenebinexa yapüxanepanaya waja liwaisianü tsipaji daxita wiria liwaisi jamatejema waja liwaisianü waja kajinawanapaenexa



***Nexeta waja constitución
baxuto nakaya
wenonanuka daxita wiria
nexatsi, namatajüpayaya
kopataruta daxita wiria
jumewi nexatsi, nakato
yapütaerubena waja
kuenia waja nato ewetsi
kuene, waja kuenia nato
jaitatsi, nato wiria
yapütanetsi,
jinawanapatsi waja
nakakuene kajüpa
kuenia, kopiata waja naka
jume jaitsinexa, waja ira
liwaisianü yabara;
itsajawanü baja
yajawa.etc.***

- ⊙ Namatajüpaeya kuenia, xanewaitsia najüpaeya nakatoruka daxitatsi. (art,13 jawata jaitsarukae).
- ⊙ Waja kuene waja ewetsinexa xanewaitsia waja ira Colombia nakuata (art 8, jawata jai tsarukae).
- ⊙ Kaebitsaüto wiria nato xainatsi waja nato yaitaya kuenia (art 9, jawata jai tsarukae).
- ⊙ Kae wiria bitsaüto xainatsi waja jume saekaya waja nakua irata, nexata bajarapakuenia pijinia waja nakuajarubinexa waja yakinae jawalia wajume, wowai jume ata (art 10, jawata jai tsarukae).
- ⊙ Pa iranü nabekona xainatsi, pakuenia waja resguardonü, xuanü salinaewi pekobekowü jawanamübobena, bajara xuanü apo kuene kajupae penakanajetsijawa, itsa jiwiyooata pena xaenayabi nexa ata, apo waja naka wekua pitsinexa ata apo to rukaetsi ira, amoneyabi atatsi (art,63 jawata jai tsarukae).
- ⊙ Pa wiria bitsaütotsibeje sikuanitsi jinawanapatsi , waja nakato yaetaenexa waja kuene jawalia (art, 68 jawata jai tsarukae).
- ⊙ Gobierno bitsaüto xaina waja nakayawenonae nexa, waja kuene jawalia namatajüpaya xanewaitsia kuenia (art, 70 jawata jai tsarukae).
- ⊙ Waja sikuanü jawanü xanewaitsia petanenexa gobierno pajiwi bitsaüto (art, 72 jawata jai tsarukae).

¿Dexua raja corte constitucional?

Corte Constitucional raja pa´ bitsaüto ewetanubena petae nexa xanewaitsia, waja constitución jume baxuto 1991 jawa pajume juta daxita monae nexatsi Colombia irata.

Nueve pa magistrado jiwibeje , Corte Suprema bitsaüto pijinia tsikopata senado monae pewünü itapetsi nexa, pijinia Consejo Estado bitsaüto presidentenü yajawa nakato ruta xanewaitsia kuenia waja nakato yaetaenexa waja liwaisianü.

